

四庫全書

卷之三

和裝本

ヤ 9

968

2



0 1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 50 51 52 53 54 55 56 57 58 59 60 61 62 63 64 65 66 67 68 69 60 61 62 63 64 65 66 67 68 69 70 71 72 73 74 75 76 77 78 79 70 71 72 73 74 75 76 77 78 79 80 81 82 83 84 85 86 87 88 89 80 81 82 83 84 85 86 87 88 89 90 91 92 93 94 95 96 97 98 99 100 JAPAN

門號 9672
卷 2

原本無方目
以其各證皆
舉方也。今一
方主衆證，則
始證舉方而
餘證刪之，除
重複矣。故揭
方目備搜索。

校正傷寒論卷之二下方目

卷之二太陽病篇十一首

桂枝湯

桂枝加附子湯

桂枝去芍藥加附子湯

桂枝二麻黃一湯

桂枝去桂加茯苓白朮湯

芍藥甘草湯

卷之三太陽病篇三十五首

葛根湯

葛根黃芩黃連湯

麻黃湯

葛根加半夏湯

交正傷寒論

出卷之二

昭和27年5月6日
今由井千代氏
贈

大青龍湯

小青龍湯

桂枝加厚朴杏子湯

乾薑附子湯

桂枝加芍藥生薑各一兩人參三兩新加湯

麻黃杏仁甘草石膏湯

桂枝甘草湯

茯苓桂枝甘草大棗湯

茯苓桂枝白朮甘草湯

厚朴生薑半夏甘草人參湯

芍藥甘草附子湯

茯苓四逆湯

調胃承氣湯

五苓散

茯苓甘草湯

梔子豉湯

梔子甘草豉湯

梔子生薑豉湯

梔子厚朴湯

梔子乾薑湯

小柴胡湯

小建中湯

大柴胡湯

柴胡加芍藥湯

桃核承氣湯

柴胡加龍骨牡蠣湯

桂枝加桂湯

桂枝去芍藥加蜀漆牡蠣龍骨救逆湯

桂枝甘草龍骨牡蠣湯

抵當湯

抵當丸

卷之四太陽病篇二十六首

大陷胸丸

大陷胸湯

小陷胸湯

文蛤散

白散

柴胡桂枝湯

柴胡桂枝乾薑湯

半夏瀉心湯

十棗湯

大黃黃連瀉心湯

附子瀉心湯

生薑瀉心湯

甘草瀉心湯

赤石脂禹餘糧湯

旋復代赭石湯

桂枝人參湯

瓜蒂散

白虎加人參湯

黃芩湯

黃芩加半夏生薑湯

桂枝附子去桂加白朮湯

甘草附子湯

白虎湯

炙甘草湯

卷之五陽明病篇八首

大承氣湯

小承氣湯

蜜煎方

猪膽汁

茵陳蒿湯

麻子仁丸

梔子蘖皮湯

麻黃連轺赤小豆湯

卷之六太陰病篇二首

桂枝芍藥湯

桂枝加大黃湯

麻黃細辛附子湯

麻黃附子甘草湯

黃連阿膠湯

附子湯

桃花湯

吳茱萸湯

猪膚湯

甘草湯

桔梗湯

苦酒湯

半夏散

白通湯

白通加猪膽湯

真武湯

通脈四逆湯

四逆散

猪苓湯

四逆湯

烏梅丸

當歸四逆湯

同卷厥陰病篇六首

麻黃升麻湯

乾薑黃芩黃連人參湯

白頭翁湯

當歸四逆湯

右傷寒藥方合百六首

卷之七霍亂陰陽易差後勞復病篇六首

四逆加人參湯

理中丸

通脈四逆加猪膽湯

燒裈散

枳實梔子豉湯

牡蠣澤瀉散

合六首

右全篇藥方通計百十二首

方目終

二致便譜 中風條

按論中擬議立論者證候陳上脉狀在尾如此章是也從容說述者脉狀居首證候具下如前章是也蓋此書體制更不開矣美其於治術不無益讀者須詳辨

校正傷寒論

卷之二

約言

太陽之爲病脉浮頭項強痛而惡寒

喻昌曰望太陽之總脉總證統中風寒二字言也惡寒惡風是也

太陽指表而言蓋傷寒以六經言之古來医家相傳之說不可遽易而看也夫人之常情每信於其所習見而疑於其所未嘗習見者故仲景氏亦不得已而襲其舊名更則非經終之謂也攻人之勢是故中于爪者未必寒受傷之後乃惡爪蓋以惡爪名之中爪耳

太陽病發汗出西爪脉緩者名爲中爪

中當也中者至也爪寒邪從外而內至而止猶矢之至的也爪中者八九

傷寒

方有執曰或者未定之辭必者定然之謂或曰必者言之矣發熱而輕之脉亦當緩耳腠理疏泄無邪將被寒外束不能發越故吐逆也

惡寒惡爪深劇者也身體病者

惡寒甚也吐逆乾呕是者吐逆与吐逆同

傷寒

方有執曰或者未定之辭必者定然之謂或曰必者言之矣發熱而輕之脉亦當緩耳腠理疏泄無邪將被寒外束不能發越故吐逆也

惡寒惡爪深劇者也身體病者

惡寒甚也吐逆

中

當也中者至也爪寒邪從外而

內至而止猶矢之至的也爪中者八九

校正傷寒論卷之二下

惟云脉浮而未分取其緩也其所謂西寒亦草西爪

辨太陽病脉證并治上第一

合十六法較取重所謂舉大而

太陽之爲病

脉浮頭項強痛而惡寒

方有執曰一說便譜斯菖根得之在也

太陽病發熱汗出惡風脉緩者名爲中風

太陽病或已發熱或未發熱必惡寒體痛嘔逆脉陰陽

俱緊者名曰傷寒

方有執曰非

傷寒一日太陽受之脉若靜者爲不傳頗欲吐若躁煩

脉數急者爲傳也

傷寒二三日陽明少陽證不見者爲不傳也

太陽病發熱而渴不惡寒者爲溫病若發汗已身灼熱者名風溫風溫爲病脉陰陽俱浮自汗出身重多眠睡

成本名字下

集解
太陽太也外邪之中人其始浮在肌表謂之太陽病最浮且輕所以居首也

脉緩當作浮緩看上

鼻息必鼾語言難出。若被下者，小便不利，直視失溲。若被火者，微發黃色，劇則如驚癇。時瘓癰，若火熏之一逆尚引日再逆促命期。

禁中景氏三病領寒熱虛實原本不可不明王注經人一節爲太陽篇開卷第一章可謂中景氏真面目後人不知矣故溫病章後遂全編大法不復明於世悲哉

病有發熱惡寒者，發於陽也。無熱惡寒者，發於陰也。發

於陽七日愈，發於陰六日愈。以陽數七陰數六故也。

太陽病頭痛至七日以上自愈者，以行其經盡故也。若欲作再經者，針足陽明使經不傳則愈。

太陽病欲解時從巳至未上

風家表解而不了了者十二日愈

病人身大熱反欲得衣者，熱在皮膚寒在骨髓也。身大寒反不欲近衣者，寒在皮膚熱在骨髓也。

正珍曰表發裡寒
厥陰篇曰下利清穀
裏寒外發云者通
厥逆湯姜又曰傷

寒脉滑而厥者白虎湯主之

太陽中風陽浮而陰弱，陽浮者熱自發，陰弱者汗自出。

嗚嗚惡寒浙浙惡風翕翕發熱鼻鳴乾嘔者桂枝湯主

之。音外皮毛栗慄之狀邪在皮毛故嗚々水氣不寧之見合取之意

桂枝去皮 芍藥 三兩 甘草 二兩 生薑 二兩 切

太棗 十二枚 檉桂 一兩 桂枝 一兩 煎服

溫覆令一時許遍身蟄蟄微似有汗者益佳不可令

寒溫服一升服已須臾飲熱稀粥一升餘以助藥力。

右五味㕮咀三味以水七升微火煮取三升去滓適

盡劑若不汗更服依前法。又不汗後服小促其間半

日許令二服盡。若病重者一日一夜服周時觀之服

古今釋方意著率皆考之本仲而推物物之性味主張宜理牽強為說雖然本叶之為書漢書藝文志不載仲景氏序論亦無之及晉書是觀之其不傳也久矣

一劑盡病證猶在者更作服若汗不出乃服至二三

劑禁生冷粘滑肉麵五辛酒酪臭惡等物沉證太陽中風之正症也其不言麻黃緩者承上首之故主以桂枝加溫散也

太陽中風正症表邪氣症也

太陽病頭痛發熱汗出惡風者桂枝湯主之

太陽病項背強几反汗出惡風者桂枝加葛根湯主之

葛根四兩

麻黃三兩去節

芍藥二兩

生薑三兩切

甘草二兩

大棗十二枚擘

桂枝二兩去皮

右七味以水一斗先煮麻黃葛根減二升去滓內

諸藥煮取三升去滓溫服一升覆取微似汗不須啜

粥餘如桂枝法將息及禁忌

臣億等謹按仲景本論

傷寒無汗用麻黃今證云汗出也

太陽中風自汗用桂枝

葛根湯恐是桂枝中加葛根耳

太陽病頭痛項背強直

太陽病下之後其氣上衝者可與桂枝湯方用前法若不上衝者不可與之

方用前述四字玉函十全百益並無之得成本作可皆是

太陽病三日已發汗若吐若下若溫針仍不解者此爲

壞病桂枝不中與之也觀其脉證知犯何逆隨證治之

桂枝本爲解肌若其人脉浮緊發熱汗不出者不可與

之也常須識此勿令誤也

桂枝湯之法奇偶而考本經細目所載火鍼術蓋後世俗汰也

喘家作桂枝湯加厚朴杏子佳

凡服桂枝湯吐者其後必吐膿血也

張氏曰一效又言壞病大自敗曰壞言之也

按汗吐下誤治過甚皆不順於理故云逆也

太陽中風。正症誤治。
為之發表。水流滿而遂漏汗。至致陽虛惡寒。

小便難。四肢微急。難以屈伸者。桂枝加附子湯主之。
蓋所謂壞病中之

太陽病。發汗。遂漏不止。其人惡風。小便難。四肢微急。難以屈伸者。桂枝加附子湯主之。
桂枝去皮。芍藥三兩。甘草三兩。生薑三兩切。

桂枝
三兩。去皮。

芍藥
三兩。炙。

甘草
三兩。炙。

生薑
三兩。切。

大棗
十二枚。擘。

附子
一枚。炮去皮。破八片。

小便難出不快。
腹脫者。骨屬。屈伸不利。主桂枝附子湯溫經。

腹脫者。骨屬。
屈伸不利。主桂枝附子湯溫經。

腹脫者。骨屬。

屈伸不利。主桂枝附子湯溫經。

腹脫者。骨屬。

屈伸不利。主桂枝附子湯溫經。

太陽病。下之後。脉促。胷滿者。桂枝去芍藥湯主之。
桂枝去芍藥湯主之。作縱。

若微惡寒者。桂枝去芍藥加附子湯主之。桂枝去芍藥

湯。
辨脉訣中以促為數脉之時。正者非也。促者有止之義。平滿去聲。平悶同考。證見下益下之之後。諸已解。則脉亦當復平。今乃反促而胸滿。仍知表分餘熱未解。延及胸膈。致之仍以桂枝主之。

桂枝
三兩。去皮。

甘草
二兩。炙。

生薑
三兩。切。

大棗
十二枚。擘。

右六味。以水七升。煮取三升。去滓。溫服一升。本云桂枝湯。今去芍藥加附子湯。

桂枝去芍藥加附子湯。

桂枝
三兩。去皮。一枚。炮去皮。破八片。

甘草
二兩。炙。

生薑
三兩。切。

大棗
十二枚。擘。

右五味。以水七升。煮取三升。去滓。溫服一升。本云桂枝湯。今去芍藥加附子湯。

桂枝去芍藥加附子湯。

太陽病。得之八九日。如瘧狀。發熱惡寒。熱多寒少。其人

不嘔。清便欲自可一日二三度發脈微緩者爲欲愈也。
此桂枝各半。即桂枝附子湯也。

脉微而惡寒者。此陰陽俱虛。不可更發汗。更下。更吐也。
此桂枝各半。即桂枝附子湯也。

面色反有熱色者。未欲解也。以其不能得小汗出身必

痒。宜桂枝麻黃各半湯。
此字下脉經有為字。是當補。

桂枝麻黃各半湯。
整者可半。桂枝附子湯重者可半。桂枝附子湯半也。

太陽病。得之九日。九字。
此條為細。按以欲愈者。少陰。但虛者。未欲解者。三症以辨。其治法也。

少陰。但寒少。其人不呕。示裡無。亦復然。清便者通。亦復然。謂清。與。胃。少陽。但陽。主。附。子。陽。二條并云。不呕。不渴。亦復然。清便者通。溥大便。謂清。與。胃。少陽。但陽。主。附。子。陽。二字。通。謂。副。也。太陽。但陽。主。附。子。陽。二字。

不可更氣汗下也

若又其人面有熱色

雖陽但虛然其表

邪猶留而未解也宜行

王支簡方大且辟

旦投其宜至無為至

八字宜左為欲愈也

下而在於此者入

仲景之家文治論中

每之有之

宜者適理之詞也

但宜字冠方名上

可謂奇添

桂枝 銖一兩十六去皮

芍藥 生薑 切

甘草 炙

麻黃 去節 各一兩

大棗 撧四枚

杏仁 二十枚湯浸去皮尖及兩仁

者 及兩仁者

四字後人所加宜刪本成全書作二十四箇是

右七味以水五升先煮麻黃一二沸去上沫內諸藥
煮取一升八合去滓溫服六合本云桂枝湯三合麻
黃湯三合併爲六合頓服將息如上法臣億等謹按
桂枝芍藥生薑各三兩甘草二兩大棗十二枚肺黃湯
方麻黃三兩桂枝二兩甘草一兩杏仁七十箇今以
算法約之二湯各取三分之一卽得桂枝一兩十六
銖芍藥生薑甘草各一兩大棗四枚杏仁二十三箇
零三分枚之一收之得二十四箇合一方詳此方乃三分之
一非各半也宜云合半湯

太陽病初服桂枝湯反煩不解者兜刺風池風府却與
桂枝湯則愈

桂枝之症桂枝之服反煩發即邪未擊也不解病勢盛不足劑也其創
可盡針法可疑

桂枝一兩十七銖去皮
生薑一兩六銖切
大棗五枚擘

芍藥一兩六銖
麻黃十六銖去節

甘草一兩二銖炙

右七味以水五升先煮麻黃一二沸去上沫內諸藥
煮取二升去滓溫服一升日再服本云桂枝湯二分
麻黃湯一分合爲二升分再服今合爲一方將息如

前法臣億等謹按桂枝湯方桂枝芍藥生薑各三兩
桂枝二兩甘草二兩大棗十二枚肺黃湯方麻黃三兩桂
枝二兩甘草一兩杏仁七十箇今以算法約之桂枝
湯取十二分之五卽得桂枝芍藥生薑各一兩六銖
甘草二十銖大棗五枚麻黃湯取九分之一卽得麻
黃十六銖桂枝十銖三分銖之二收之得十一銖甘

高安
大汗出脉洪而不
唱邪氣有表之診

也可更桂枝湯若大
汗出脉洪而煩渴
不解者可加虎嘯
生津止渴和表散熱
此症是之邪氣已入相
明津液為大汗所
傷故也

草五株三分株之一。收之得六株。杏仁十五箇。九分
枚之四枚之得十六箇。二湯所取相合。卽共得桂枝

一而十七株。麻黃十六株。生薑芍藥各一而六
株。甘草一兩二株。大棗五枚。杏仁十六箇。合方。

服桂枝湯。大汗出後大煩渴。不解。脉洪大者。白虎加人

參湯

桂枝湯主之。

千金方。此茶有白虎作加之三字。今茶人多主治之。千金方可從。

太陽病發熱惡寒。熱多寒少。脈微弱者。此無陽也。不可

更發汗。宜桂枝二越婢一湯。

桂枝去皮

芍藥

麻黃

甘草各十八

大棗四枚

生薑一兩二

石膏二十四

株切碎綿裹

右七味以冰五升煮麻黃一二沸去上沫。內諸藥煮。取二升去滓。溫服一升。本云當裁爲越婢湯桂枝湯合之。飲一升。今合爲一方桂枝湯二分越婢湯一分。

臣億等謹撰桂枝湯方。桂枝芍藥生薑各二兩。甘草二兩。大棗十二枚。越婢湯方。桂枝芍藥生薑各二兩。甘草二兩。石膏半斤。大棗十五枚。今以算法約之。桂枝湯取四分之一。卽得桂枝芍藥生薑各十八株。甘草十二株。大棗三枚。越婢湯取八分之一。卽得麻黃十八株。生薑九株。甘草六株。石膏二十四株。大棗一枚。草麻黃各十八株。生薑一兩三株。石膏二十四株。大棗四枚。合方。舊云桂枝三今取四分之一。卽當云桂枝二也。越婢湯方。見仲景雜方中外臺秘要。一云起

湯

服桂枝湯或下之。仍頭項強痛。翕翕發熱。無汗。心下滿微痛。小便不利者。桂枝去桂加茯苓白朮湯主之。

芍藥三兩

甘草二兩

生薑切

白朮

右六味以水八升煮取三升去滓。溫服一升。小便利。

茯苓各三

大棗十二

枚擘

心下滿微痛。便不利。亦停飲。主支湯以解外加。茯苓白朮利小便。行留飲。

令主心下利。亦同根源。

太陽中風脈浮弱
自行出小便數心
煩微惡寒脚掌
急反互生極一發
真表此誤也得之
厥咽乾煩躁吐逆
者作乾姜附子
之其脚卽伸若
重發汗四服厥逆
下利清穀者還

則愈。本云桂枝湯今去桂枝加茯苓白朮。
太陽中風非浮弱者
傷寒脉浮自汗出小便數心煩微惡寒脚掌急反與桂
枝湯欲攻其表此誤也得之便厥。即不也
金匱要略卷第十一桂枝加附子湯
中乾煩躁吐逆者作甘草乾薑湯與之以復其陽若厥愈足溫者更作芍
藥甘草湯與之其脚卽伸若胃氣不和譏語者少與調
胃承氣湯若重發汗復加燒針者四逆湯主之

甘草乾薑湯方

甘草四兩

乾薑二兩

成承乾姜二兩不炮字宜從而補矣

右二味以水三升煮取一升五合去滓分溫再服

芍藥甘草湯方

王孟無白字

甘草四兩

芍藥

兩炙

甘草各四

右二味以水三升煮取一升五合去滓分溫再服

芍藥甘草湯方

王孟無白字

甘草四兩

芍藥

兩炙

右二味以水三升煮取一升五合去滓分溫再服

問曰證象陽且按法治之而增劇厥逆咽中乾

兩脛拘急而譏語師曰言夜半手足當溫兩脚當伸後如師言

何以知此答曰寸口脉浮而大浮爲風大爲虛風則生

微熱虛則兩脛攣病形象桂枝因加附子參其間增桂

令汗出附子溫經亡陽故也厥逆咽中乾煩躁陽明內

結譏語煩亂更飲甘草乾薑湯夜半陽氣還兩足當熱

脛尚微拘急重與芍藥甘草湯爾乃脛伸以承氣湯微

溏則止其譏語故知病可愈

成本形作譏

莊本文

大日本

尾張

凌野徵元甫校

成本形

論

下

論

論

原方三十九首
今除重複
得三十五首

校正傷寒論卷之三

辨太陽病脈證并治中第二

合六十六法方三十九首
并見太陽陽明合病

法

汗症傷寒表裏

發於太陽傷寒而

項背強者此葛根

方一木澤草

太陽病項背強几几無汗惡風葛根湯主之

諸字依可發汗
葛根湯外臺

葛根四兩

麻黃三兩

桂枝二兩

去皮

去節

生薑三兩

切

甘草二兩

芍藥二兩

大棗十二枚擘

擘擘

右七味以水一斗先煮麻黃葛根減二升去白沫內

諸藥煮取三升去滓溫服一升覆取微似汗餘如桂

枝法將息及禁忌諸湯皆倣此

太陽與陽明合病者必自下利葛根湯主之

太陽與陽明合病不下利但區者葛根加半夏湯主之

上症微利之

至經症矣

此是所兼之證症

故放本方中但加半

夏也。若是阳明內熱

之証，當一半夏之所

能止辛。

太陽病桂枝證，医及

下之續得下利其脈緩

者，變為數脉為表不

解而裡虛也。謂之偏

熱利。主支少陰陽

也。夫因下之而遂利

不止為陽胃虛寒所

致其脉當遲緩今

脉促急故為表分

全災未解也。

葛根四兩

麻黃三兩

甘草二兩

芍藥二兩

桂枝二兩去皮

生薑二兩切

半夏半升洗

大棗枚擘

右八味以水一斗先煮葛根麻黃減二升去白沫

諸藥煮取三升去滓溫服一升覆取微似汗

太陽病桂枝證醫反下之利遂不止脉促者表未解也。

喘而汗出者葛根黃芩黃連湯主之

葛根半斤

甘草二兩

黃芩二兩

右四味以水八升先煮葛根減二升內諸藥煮取

升去滓分溫再服

太陽病頭痛發熱身疼腰痛骨節疼痛惡風無汗而喘

者葛根黃連主之

太陽病桂枝證醫反下之利遂不止脉促者表未解也。

喘而汗出者葛根黃芩黃連湯主之

葛根半斤

甘草二兩

黃芩二兩

太陽病頭痛發熱身疼腰痛骨節疼痛惡風無汗而喘

者葛根黃連主之

太陽病桂枝證醫反下之利遂不止脉促者表未解也。

便講曰

身疼言舉身

皆酸疼也而下

大還回宣出腋及

骨節痛者具

舉無所遺也

身痛搏而血氣

凝滯所致頭痛

無汗而喘邪閉塞

元氣被壅遏之

候發熱惡風等

宿毒干表而每

攻裡也非以此湯

峻發則不許治

矣而可玩

渴渴飲釀論曰閨鬼
門之教注云鬼門
所宜也肺主皮毛
其體屬心故謂之
思

麻黃三兩去節

桂枝二兩去皮

甘草一兩

杏仁七十箇去

失皮

右四味以水九升先煮麻黃減二升去上沫內諸藥

煮取二升半去滓溫服入合覆取微似汗不須啜粥

餘如桂枝法將息

一因喘而腹滿

與腹同悶又說已見上此條惟言腹滿不言胸悶告腹滿

非腹滿所能發此亦非前條帶而腹滿之說

設腹滿腹痛者則知其解者兼症不可拘有此者

正珍曰是提太陽篇十日後七字以辨其已解者

己去同吉水曰病十日全勝後他無所苦者此外并正解不須著而古之

大青龍湯主之若脉微弱汗出惡風者不可服之服之

則厥逆筋惕肉瞞此爲逆也大青龍湯

惟忠曰為汗也下條等高論編

續論皆以真武湯救之六之補

非腹滿所能發此亦非前條帶而腹滿之說

其本

至於

柴胡症

其本

至於

柴胡症

麻黃六兩去皮生薑三兩桂枝二兩去節大棗十枚甘草二兩杏仁四十枚去皮切去皮如雞子

細辛乾薑甘草炙

杏仁一枚去皮去核

右七味以水九升先煮麻黃減二升去上沫內諸藥煮取三升去滓溫服一升取微似汗汗出多者溫粉撲之一服汗者停後服若復服汗多亡陽遂虛惡風

煩躁不得眠也

煩躁不得眠矣善附子湯症不得更用湯在

傷寒表不解者謂己經發汗而脉浮緊頭痛發熱惡寒之證仍在也

或者未定之謂
多證者以證
雖異本則一
也如此方及

傷寒脈浮緩身不疼但重乍有輕時無少陰證者大青龍湯發之

程應旋曰余幼讀古本實是小青龍湯觀其中脉正總非大青龍湯病似有不同者小青龍湯每往來寒熱胸膈苦滿硬痛之症但有牽挽牽引微利水氣之小青龍湯發汗散水氣之白小青龍湯症與小柴胡症

相合而此方及

桂枝各二兩去皮五味子半升半夏半升洗

右八味以水一斗先煮麻黃減二升去上沫內諸藥煮取三升去滓溫服一升若渴者去半夏加桔梗根三兩若微利去麻黃加蕘花如一雞子熬令赤色若

嘔者去麻黃加茯苓四兩若喘者去麻黃加杏仁半升去皮尖且蕘花不治利麻黃主喘今此語反之疑非仲

景意臣億等謹按小青龍湯大要治水又按本草蕘花下十二水若水去利則止也又按千金形腫者應內麻黃乃內杏仁者以麻黃發其陽故也以此證之豈非仲景意也服湯之湯者指當龍湯收高文濟人

寒去欲解也小青龍湯主之

傷寒心下百水氣效而微喘發不渴者

句柴胡湯亦以治其渴耶本欲解也

此承蔭以明治則
服物已後發渴者
句柴胡湯亦以治
其渴耶本欲解也

水氣去欲解也小青龍湯主之善龍湯主之服湯已渴者此寒本欲解也

文濟人

此症論太陽病發汗後當解而不解者故不言不解而善惡解所禁其證發汗而解之

成本解下有知字

桂枝湯

卷之三

桂枝湯

太陽病外證未解。脉浮弱者。當以汗解。宜桂枝湯。

太陽病下之微喘者。表未解故也。桂枝加厚朴杏子湯主之。太陽病桂枝及症雖發汗之後不復加微喘者因表邪未解而邪氣乘之則上焦也。凡書汗後吐後者皆以前症未去而言之不言後字者前症不本也。

桂枝

三兩

甘草

二兩

生薑

二兩

芍藥

三兩

大棗

十二枚

厚朴

二兩

杏仁

五十枚

去皮

右七味。以水七升。微火煮取三升。去滓。溫服一升。覆

取微似汗

錢譜曰中頭痛強急寒熱裏自汗水表證未除理宣汗解慎不可下。則於理為不順於法為逆。此症本上寒而後人所誤。

桂枝湯

宜以桂枝湯主之。每他法

太陽病先發汗不解。而復下之。脉浮者不愈。浮爲在外而反下之。故令不愈。今脉浮。故在外。當須解外。則愈。宜

桂枝湯

傷寒之

太陽病。脈浮緊。無汗。發熱。身疼痛。八九日不解。表證仍在。此當發其汗。服藥已微除其人。發煩目瞑。劇者必衄。衄乃解。所以然者。陽氣重。故也。麻黃湯主之。

太陽病。脈浮緊。發熱。身無汗。自衄者愈。

太陽併病。太陽初得病時。發其汗。汗先出。不徹。因轉屬陽明。續自微汗出。不惡寒。若太陽病證不罷者。不可下。下之爲逆。如此可小發汗。設面色緣緣正赤者。陽氣怫鬱在表。當解之。熏之。若發汗不徹。不足。言陽氣怫鬱不得越。當汗不出。其人躁煩。不知痛處。乍在腹中。乍在四肢。按之不可得。其人短氣。但坐。以汗出不徹故也。更發

汗則愈。何以知汗出不徹。以脉濇故知也。

脉浮數者。法當汗出而愈。若下之。身重心悸者。不可發汗。當自汗出。乃解。所以然者。尺中脉微。此裏虛。須表裏實津液自和。便自汗出愈。

脉浮緊者。法當身疼痛。宜以汗解之。假令尺中遲者。不可發汗。何以知然。以榮氣不足血少故也。

脉浮者。病在表。可發汗。宜麻黃湯。

脉浮而數者。可發汗。宜麻黃湯。

病常自汗出者。此爲榮氣和。外不諧。以衛氣不共榮氣諧和。故爾。以榮行脈中。衛行脈外。復發其汗。榮衛和則愈。宜桂枝湯。

惟忠曰。不汗出。与不
發汗。自別。謂未
集成注。業也。

仲景叔家不可發汗。七血家不可發汗。
而此用廣黃湯何。
也曰。久衄之家七
血已多。故不可計。
今緣當汗不汗。
枳毒蘊結而成
衄。當分其津液。
乃愈。蓋發其許
則發越而出血。
自止也。

病人藏無他病。時發熱。自汗出而不愈者。此衛氣不和也。先其時發汗則愈。宜桂枝湯。

傷寒。脉浮緊。不發汗。因致衄者。麻黃湯主之。

傷寒不大便六七日。頭痛有熱者。與承氣湯。其小便清者。知不在裏。仍在表也。當須發汗。若頭痛者必衄。宜桂

傷寒。發汗已解。半日許。復煩。脉浮數者。可更發汗。宜桂枝湯。

凡病若發汗。若吐。若下。若亡津液。陰陽自和者。必自愈。

大下之後。復發汗。小便不利者。亡津液故也。勿治之。得小便利。必自愈。

金鑑曰。大下之後。發其汗。重已津液小便當以水液內竭故也。

勿治之。言勿利其小便也。須俟津液回而小便利。目愈矣。

宣同 古詩文 疑是
或叔 詔已

病疾內虛之証

虛煩不得眠

症多熱之症

雖分別者有之

煩躁內虛之煩

躁也

裡熱之煩躁

異其脉沉微

非阳症

下之後復發汗必振寒脉微細所以然者以內外俱虛故也

大論汗下俱犯之常症

內外相陽表裏之言與薑附之割急神苦虛也成無已以振寒至陽氣微以脈微細為陽

所謂真寒假熱者已

不具脾無邪熱者

所謂真寒假熱者已

發汗後不可更行桂枝湯汗出而喘無大熱者可與麻黃杏仁甘草石膏湯取二升去滓溫服一升

發汗過多其人叉手自冒心下悸欲得按者桂枝甘草湯主之

桂枝四兩甘草二兩

右二味以水三升煮取一升去滓頓服

發汗後其人臍下悸者欲作奔豚茯苓桂枝甘草大棗

桂枝去皮甘草炙

湯主之

茯苓 半斤

桂枝 四兩 去皮

甘草 二兩 炙

大棗 十五枚擘

右四味以甘爛水一斗先煮茯苓減二升內諸藥煮取三升去滓溫服一升日三服作甘爛水法取水二斗置大盆內以杓揚之水上有珠子五六千顆相逐

取用之

發汗後腹脹滿者厚朴生薑半夏甘草人參湯主之

厚朴 半斤 去皮

生薑 半斤 切

半夏 半升 洗

甘草 二兩

人參 一兩

右五味以水一斗煮取三升去滓溫服一升日三服傷寒若吐若下後心下逆滿氣上衝脅起則頭眩脉沈

緊發汗則動經身爲振振搖者茯苓桂枝白朮甘草湯主之

茯苓 四兩

桂枝 三兩 去皮

白朮 甘草 各二兩 炙

右四味以水六升煮取三升去滓分溫三服

發汗病不解反惡寒者虛故也芍藥甘草附子湯主之

芍藥 甘草 各三兩 炙

附子 一枚炮去皮破八片

右三味以水五升煮取一升五合去滓分溫三服疑

非仲景方

發汗若下之病仍不解煩躁者茯苓四逆湯主之

茯苓 四兩

人參 一兩

附子 一枚生用去皮破八片

甘草 二兩 炙

乾薑 半兩

右五味以水五升煮取三升去滓溫服七合日二服。發汗後惡寒者虛故也不惡寒但熱者實也當和胃氣。

與調胃承氣湯王函云與小承氣湯

芒消

半升

甘草

炙二兩

大黃

四兩去皮清酒洗

右三味以水三升煮取一升去滓內芒消更煮兩沸頓服。

太陽病發汗後大汗出胃中乾煩躁不得眠欲得飲水者少少與飲之令胃氣和則愈若脉浮小便不利微熱消渴者五苓散主之。

猪苓

十八銖去皮

澤瀉

一兩六銖

白朮

十八銖

茯苓

十八

桂枝

半兩去皮

右五味擣爲散以白飲和服方寸七日三服多飲緩水汗出愈如法將息。

發汗已脉浮數煩渴者五苓散主之。

傷寒汗出而渴者五苓散主之不渴者茯苓甘草湯主之。

茯苓

二兩

桂枝

二兩去皮

甘草

一兩炙

生薑

三兩切

右四味以水四升煮取二升去滓分溫三服。

中風發熱六七日不解而煩有表裏證渴欲飲水水入則吐者名曰水逆五苓散主之。

未持脈時病人手叉自冒心師因教試令欬而不欬者此必兩耳聾無聞也所以然者以重發汗虛故如此。

原本此章典
前章併非

枳子豉湯方

發汗後飲水多必喘。以水灌之亦喘。

發汗後水藥不得入口爲逆。若更發汗必吐下不止。發

汗吐下後虛煩不得眠。若劇者必反覆顛倒。音到心中

懊惱。上烏浩。下奴冬切。下同。梔子豉湯主之。若少氣者。梔子甘草

豉湯主之。若嘔者。梔子生薑豉湯主之。

梔子豉湯方

梔子

十四箇擘

香豉

四合綿裹

右二味以水四升先煮梔子得二升半內豉煮取一升半去滓分爲二服溫進一服得吐者止後服

梔子甘草豉湯方

梔子

十四箇擘

甘草

二兩炙

香豉

四合綿裹

梔子生薑豉湯方

梔子

十四箇擘

生薑

五兩炙

香豉

四合綿裹

右三味以水四升先煮梔子生薑取二升半內豉煮取一升半去滓分二服溫進一服得吐者止後服

梔子生薑豉湯方

梔子

十四箇擘

厚朴

四兩去皮

枳實

四枚浸水炙令黃

傷寒下後心煩腹滿臥起不安者。梔子厚朴湯主之。

校正傷寒論

卷之三

出痘說

右三味以水三升半煮取一升半去滓分二服溫進
一服得吐者止後服

傷寒醫以丸藥大下之後身熱不去微煩者梔子乾薑湯主之
原本凡用梔子湯以下別爲一章非

梔子 十四箇 乾薑 一兩

右二味以水三升半煮取一升半去滓分二服溫進
一服得吐者止後服凡用梔子湯病人舊微溏者不
可與服之

太陽病發汗汗出不解其人仍發熱心下悸頭眩身瞶
動振振欲擗一作辟地者真武湯主之

咽喉乾燥者不可發汗

淋家不可發汗發汗必便血瘡家雖身疼痛不可發汗
汗出則痙一作攣

衄家不可發汗汗出必額上陷脉急緊直視不能目睭
音喚又胡絹切下同一作瞬不得眠

亡血家不可發汗發汗則寒慄而振
汗家重發汗必恍惚心亂小便已陰疼與禹餘糧丸

病人有寒復發汗胃中冷必吐一作逆

本發汗而復下之此爲逆也若先發汗治不爲逆本先
下之而反汗之爲逆若先下之治不爲逆

傷寒醫下之續得下利清穀不止身疼痛者急當救裏
後身疼痛清便自調者急當救表救裏宜四逆湯救表
宜桂枝湯

此章成無忌之註不穩疑
非

病發熱頭痛。脉反沈。若不差。身體疼痛。當救其裏。宜四逆湯。

太陽病先下而不愈。因復發汗。以此表裏俱虛。其人因致冒。冒家汗出自愈。所以然者。汗出表和。故也。裏未和。然後復下之。

太陽病未解。脉陰陽俱停。一作微必先振慄汗出而解。但陽脈微者。先汗出而解。但陰脉微。一作脉實者。下之而解。若欲下之。宜調胃承氣湯。一云用大柴胡湯

太陽病發熱汗出者。此爲榮弱衛強。故使汗出。欲救邪風者。宜桂枝湯。

傷寒五六日。中風。往來寒熱。胷脅苦滿。嘿嘿不欲飲食。

心煩喜嘔。或胷中煩而不嘔。或渴。或腹中痛。或脅下痞鞕。或心下悸。小便不利。或不渴。身有微熱。或欬者。小柴胡湯主之。

柴胡半斤 黃芩三兩 人參三兩 半夏半升洗

甘草炙 生薑各三兩切 大棗十二枚擘

右七味。以水一斗二升。煮取六升去滓。再煎取三升。溫服。一升。日三服。若胷中煩而不嘔者。去半夏人參。加栝樓实一枚。若渴去半夏。加人參合前成四兩半。栝樓根四兩。若腹中痛者。去黃芩。加芍藥三兩。若脅下痞鞕。去大棗。加牡蠣四兩。若心下悸。小便不利者。去黃芩。加茯苓四兩。若不渴。外有微熱者。去人參。加

桂枝三兩。溫覆微汗愈。若欬者。去人參大棗生薑加五味子半升乾薑二兩。

血弱氣盡。腠理開邪氣因入與正氣相搏。結於脅下。正邪分爭。往來寒熱。休作有時。嘿嘿不欲飲食。藏府相連。其痛必下。邪高痛下。故使嘔也。云藏府相違。其病必下。脅兩中痛。小柴胡湯主之。服柴胡湯已渴者屬陽明。以法治之。

得病六七日。脈遲浮弱。惡風寒。手足溫。醫二三下之。不能食。而脅下滿痛。面目及身黃。頸項強。小便黃者。與柴胡湯。後必下重。本渴飲水而嘔者。柴胡湯不中與也。食穀者噦。

傷寒四五日。身熱惡風。頸項強。脅下滿。手足溫而渴者。

小柴胡湯主之。

傷寒。陽脉濇。陰脉弦。法當腹中急痛。先與小建中湯。不差者。小柴胡湯主之。

小建中湯方

桂枝三兩去皮 甘草二兩炙 大棗十二枚擘 芍藥六兩

生薑三兩切 膜飴一升

右六味。以水七升煮取三升。去滓內飴。更上微火。消解溫服。一升。日三服。嘔家不可用。建中湯以甜故也。傷寒中風。有柴胡證。但見一證便是。不必悉具。凡柴胡湯病證而下之。若柴胡證不罷者。復與柴胡湯。必蒸蒸而振。却復發熱汗出而鮮。

傷寒二三日。心中悸而煩者。小建中湯主之。

太陽病。過經十餘日。反二三下之後。四五日。柴胡證仍在者。先與小柴胡。嘔不止。心下急。一云。嘔。止小安。鬱鬱微煩者。爲未鮮也。與大柴胡湯下之。則愈。

柴胡半斤

黃芩三兩

芍藥三兩

半夏半升

生薑五兩切

枳實四枚炙

大棗一枚擘

宋許叔微本
事方大柴胡
湯有大黃半
黃同姜棗八
味今監本無
脫文也。由此
觀之。有大黃
爲是。且皇
謚謂張仲景
論廣湯夜論
爲傷寒論者
益審矣

湯

右七味以水一斗二升。煮取六升去滓。再煎。溫服一

升。日三服。一方加大黃二兩。若不加。恐不爲大柴胡

下之。非其治也。潮熱者實也。先宜服小柴胡湯。以解外後以柴胡加芒消湯主之。

柴胡二兩

黃芩一兩

人參一兩

甘草一兩

生薑一兩

半夏二十銖本

大棗四枚擘

芒消二兩

本丈審云柴
胡加芒消湯
則小柴胡湯
加芒消者也
復何疑此註
不足取

螺蛸也

傷寒十二日。不解過經。誠語者。以有熱也。當以湯下之。若小便利者。大便當。鞭而反下利。脈調和者。知醫以丸藥下。

之。非其治也。若自下利者。脉當微厥。今反和者。此爲內實也。調胃承氣湯主之。

太陽病不解。熱結膀胱。其人如狂。血自下。下者愈。其外不解者。尚未可攻。當先解其外。外解已。但少腹急結者。乃可攻之。宜桃核承氣湯。

桃仁五十箇去皮尖

大黃四兩

桂枝二兩去皮

甘草炙二兩

芒消二兩

右五味。以水七升。煮取二升半。去滓。內芒消。更上火微沸。下火。先食。溫服。五合。日三服。當微利。

傷寒八九日。下之。曾滿煩驚。小便不利。讞語。一身盡重。不可轉側者。柴胡加龍骨牡蠣湯主之。

是亦據本文

病證則大柴

胡湯加龍骨
牡蠣者密矣

原方係偽製

柴胡四兩

龍骨

黃芩

生薑切

鉛丹

人參

桂枝去皮

茯苓

各一

半夏二合

半洗

桂枝

二兩

大黃

二兩

牡蠣半熬

大棗六枚擘

右十二味。以水八升。煮取四升。內大黃切。如葵子。更煮。一兩沸。去滓。溫服。一升。本云柴胡湯。今加龍骨等。傷寒。腹滿讞語。寸口脈浮而緊。此肝乘脾也。名曰縱刺。期門。

傷寒。發熱。嗌嗌惡寒。大渴。欲飲水。其腹必滿。自汗出。小便利。其病欲解。此肝乘肺也。名曰橫刺。期門。

太陽病二日。反躁。反慰。其背而大汗出。大熱入胃。一作

內燒瓦熨背

火氣入胃

中水竭。躁煩。必發讞語。十餘日振慄。

其汗二字疑

衍文

自下利者此爲欲解也故其汗從腰以下不得汗欲小便不得反嘔欲失溲足下惡風大便軟小便當數而反不數及不多大便已頭卓然而痛其人足心必熱穀氣下流故也

太陽病中風以火劫發汗邪風被火熱血氣流溢失其常度。兩陽相熏灼其身發黃陽盛則欲動陰虛小便難。陰陽俱虛竭身體則枯燥但頭汗出劑頸而還腹滿微喘口乾咽爛或不大便久則譫語甚者至囁手足躁擾捻衣摸床小便利者其人可治

傷寒脉浮醫以火迫劫之亡陽必驚狂臥起不安者桂枝去芍藥加蜀漆牡蠣龍骨救逆湯主之

桂枝

三兩去皮

芍草

二兩炙

生薑

三兩切

大棗

十二枚擘

牡蠣

五兩熬

蜀漆

三兩洗去腥

龍骨

四兩

右七味以水一斗二升先煮蜀漆減二升內諸藥煮取三升去滓溫服一升本云桂枝湯今去芍藥加蜀

漆牡蠣龍骨

形作傷寒其脈不弦緊而弱弱者必渴被火必譫語弱者發熱脈浮解之當汗出愈

太陽病以火熏之不得汗其人必躁到經不解必清血名爲火邪

脈浮熱甚而反灸之此爲實實以虛治因火而動必咽燥吐血

原本此章典
前章併非今
分之

微數之脉慎不可灸。因火爲邪則爲煩逆。追虛逐實。血散脈中。火氣雖微。內攻有力。焦骨傷筋。血難復也。脈浮宜以汗解。用火灸之邪無從出。因火而盛。病從腰以下必重而痺。名火逆也。

欲自解者必當先煩。乃有汗而解。可以知之。脈浮故知汗出解。燒針令其汗針處被寒。挾起而赤者必發奔豚氣。從少腹上衝心者。灸其挾上各一壯。與桂枝加桂湯。更加桂二兩也。

桂枝

五兩
去皮

芍藥

三兩
炙

生薑

三兩
切

甘草

二兩
炙

大棗

十二枚

右五味以水七升煮取三升去滓溫服一升。本云桂

枝湯今加桂五兩所以加桂者以能泄奔豚氣也。火逆下之因燒針煩躁者桂枝甘草龍骨牡蠣湯主之。

桂枝

一兩
去皮

甘草

二兩
炙

牡蠣

二兩
熬

龍骨

二兩

右四味以水五升煮取二升半去滓溫服八合。日三服。

太陽傷寒者如溫針必驚也。

太陽病當惡寒發熱。今自汗出反不惡寒發熱。關上脉細數者。以醫吐之過也。一二日吐之者。腹中飢口不能食三四日吐之者。不喜糜粥。欲食冷食。朝食暮吐。以醫吐之所致也。此爲小逆。

太陽病吐之。但太陽病當惡寒。今反不惡寒。不欲近衣。

此爲吐之內煩也

病人脈數。數爲熱。當消穀引食。而反吐者。此以發汗令陽氣微。膈氣虛。脉乃數也。數爲客熱。不能消穀。以胃中虛冷。故吐也。

太陽病。過經十餘日。心下溫溫。欲吐。而胃中痛。大便反溏。腹微滿。鬱鬱。微煩。先此時。自極吐下者。與調胃承氣湯。若不爾者。不可與。但欲嘔。胃中痛。微溏者。此非柴胡湯證。以嘔故知極吐下也。

太陽病。六七日。表證仍在。脈微而沈。反不結胃。其人發狂者。以熱在下焦。少腹當鞭滿。小便自利者。下血乃愈。所以然者。以太陽隨經。瘀熱在裏故也。抵當湯主之。

水蛭

熬去翅足熬各三十箇

桃仁

二十箇去皮尖

大黃

三兩酒洗

右四味。以水五升。煮取三升。去滓。溫服一升。不下更服。

太陽病。身黃。脈沈結。少腹鞭。小便不利者。爲無血也。小便自利。其人如狂者。血證諦也。抵當湯主之。

傷寒有熱。少腹滿。應小便不利。今反利者。爲有血也。當下之。不可餘藥。宜抵當丸。

水蛭

二十箇熬去翅足

桃仁

二十五箇去皮尖

大黃

三兩

右四味。擣分四丸。以水一升。煮一丸。取七合。服之。啐

時當下血。若不下者。更服。

太陽病。小便利者。以飲水多。必心下悸。小便少者。必苦裏急也。

大日本 尾張

淺野徽元甫校

校正傷寒論卷之三

原方三十首

今除重複得二十六首

校正傷寒論卷之四

辨太陽病脉證并治下第七

合三十九法方三十首
并見太陽少陽合病法

問曰。病有結胷。有藏結。其狀何如。答曰。按之痛。寸脈浮。關脈沈。名曰結胷也。何謂藏結。答曰。如結胷狀。飲食如故。時時下利。寸脈浮。關脈小細沈緊。名曰藏結。舌上白胎滑者。難治。

藏結無陽證。不往來寒熱。一云寒而不熱。其人反靜。舌上胎滑者。不可攻也。

病發於陽。而反下之。熱入。因作結胷。病發於陰。而反下之。因作痞也。所以成結胷者。以下之太早。故也。結胷者。項亦強。如柔痓狀。一云下之則和。宜大陷胷丸。

大黃半斤 茴薑子半升 芎消半升

杏仁半升去皮
尖熬黑

右四味。擣篩二味。內杏仁茰消合研如脂。和散取如彈丸一枚。別擣甘遂末一錢匕。白蜜二合水二升。煮取一升。溫頓服之。一宿乃下。如不下。更服。取下爲效。

禁如藥法。

結胷證。其脉浮大者。不可下。下之則死。

結胷證悉具。煩躁者亦死。

太陽病。脈浮而動數。浮則爲風。數則爲熱。動則爲痛。數則爲虛。頭痛發熱。微盜汗出。而反惡寒者。表未解也。醫反下之。動數變遲。膈內拒痛。胃中空虛。客氣動膈。短氣

躁煩。心中懊惱。陽氣內陷。心下因鞶。則爲結胷。大陷胷湯主之。若不結胷。但頭汗出。餘處無汗。剝頸而還。小便不利。身必發黃也。大陷胷湯。

大黃六兩去皮 芎消一升 甘遂一錢七

右三味。以水六升。先煮大黃。取二升。去滓。內茰消。煮一兩沸。內甘遂末。溫服一升。得快利。止後服。

大陷胷湯主之。

傷寒十餘日。熱結在裏。復往來寒熱者。與大柴胡湯。但結胷無大熱者。此爲水結在胷脅也。但頭微汗出者。大陷胷湯主之。

大陽病重發汗而復下之。不大便五六日。舌上燥而渴。
日晡所小有潮熱一云。日晡所。發心脅大煩。從心下至少腹。鞶滿而
痛不可近者。大陷脅湯主之。

小結脅病。正在心下。按之則痛。脉浮滑者。小陷脅湯主
之。

黃連一兩

半夏洗半升

桔梗實一枚

大者

右三味以水六升先煮桔梗取三升去滓內諸藥煮

取二升去滓分溫三服。

太陽病二三日不能臥。但欲起心下必結。脈微弱者。此
本有寒分也。反下之。若利止。必作結脅。未止者。四日復
下之。此作協熱利也。

太陽病下之。其脈促縱作。不結脅者。此爲欲解也。脈浮
者。必結脅。脈緊者。必咽痛。脈弦者。必兩脅拘急。脈細數
者。頭痛未止。脈沈緊者。必欲嘔。脈沈滑者。協熱利。脈浮
滑者。必下血。

病在陽。應以汗解之。反以冷水澆之。若灌之。其熱被劫。
不得去。彌更益煩。肉上粟起。意欲飲水。反不渴者。服文
蛤散。若不差者。與五苓散。寒實結脅。無熱證者。與三物
小陷脅湯。白散亦可服。一云。與三物小白散

文蛤散

文蛤五兩

右一味爲散。以沸湯和一方寸七服。湯用五合。

原本白散亦
可服五字爲
一章非

白散

桔梗三分 巴豆一分去皮心熬黑研如脂 貝母三分

身熱以下文
理不明疑誤
脫成木亦同

右三味爲散。內巴豆更於臼中杵之。以白飲和服。強人半錢匕。羸者減之。病在膈上必吐。在膈下必利。不利進熟粥一杯。利過不止。進冷粥一杯。身熱皮粟不

解。欲引衣自覆者。若以水澣之洗之。益令熱劫。不得出。當汗而不汗則煩。假令汗出已。腹中痛。與芍藥三

兩。如上法。

太陽與少陽併病。頭項強痛。或眩冒時。如結胷。心下痞鞶者。當刺太椎第一間。肺俞肝俞。慎不可發汗。發汗則譏語。脉弦。五日譏語不止。當刺期門。

成本取作写

當刺期門。隨其實而取之。

婦人中風七八日。續得寒熱。發作有時。經水適斷者。此遲身涼。胷脅下滿。如結胷狀。譏語者。此爲熱入血室也。湯主之。

婦人傷寒發熱。經水適來。晝日明了。暮則譏語。如見鬼狀者。此爲熱入血室。無犯胷氣及上二焦。必自愈。傷寒六七日。發熱微惡寒。支節頗疼。微嘔。心下支結。外證未去者。柴胡桂枝湯主之。

桂枝

去皮

黃芩

一兩半

人參

一兩半

甘草

一兩炙

半夏二合 · 芍藥一兩 · 大棗六枚 · 生薑一兩 ·

柴胡四兩

本云以下不可說也。誤脫成木此段無

右九味以水七升煮取三升去滓溫服一升。本云人參湯作如桂枝法加半夏柴胡黃芩復如柴胡法今用人參作半劑。

傷寒五六日已發汗而復下之。曾脅滿微結。小便不利渴而不嘔。但頭汗出。往來寒熱心煩者。此爲未解也。柴胡桂枝乾薑湯主之。

成本乾姜生
藥共作三兩

柴胡半斤

桂枝三兩去皮

乾薑二兩

括樓根四兩

黃芩三兩

牡蠣二兩熬

甘草二兩炙

石七味以水一斗二升煮取六升去滓再煎取三升

溫服一升。日三服。初服微煩復服汗出便愈。

傷寒五六日頭汗出。微惡寒。手足冷。心下滿口不欲食。大便鞭。脈細者。此爲陽微結。必有表。復有裏也。脉沈亦在裏也。汗出爲陽微。假令純陰結。不得復有外證。悉入在裏。此爲半在裏半在外也。脉雖沈緊。不得爲少陰病。所以然者。陰不得有汗。今頭汗出。故知非少陰也。可與小柴胡湯。設不了了者。得尿而解。

傷寒五六日嘔而發熱者。柴胡證具。而以他藥下之。柴胡證仍在者。復與柴胡湯。此雖已下之。不爲逆。必蒸蒸而振却發熱汗出。而解。若心下滿。而鞭痛者。此爲結。會也。大陷會湯主之。但滿而不痛者。此爲痞。柴胡不中

與之宜半夏瀉心湯

半夏洗半升 黃芩 乾薑 人參

甘草炙各

三兩 黃連 一兩 大棗

十二枚擘

右七味以水一斗煮取六升去滓再煎取三升溫服
一升日三服

一方用半夏一升

太陽少陽併病而反下之成結脅心下鞭下利不止水
漿不下其人心煩

脈浮而緊而復下之緊反入裏則作痞按之自濡但氣
痞耳

太陽中風下利嘔逆表解者乃可攻之其人漿汗出
發作有時頭痛心下痞鞕滿引脅下痛乾嘔短氣汗出

芫花熬 甘遂 大戟

右三味等分各別搗爲散以水一升半先煮大棗肥
者十枚取八合去滓內藥末強人服一錢七羸人服
半錢溫服之平旦服若下少病不除者明日更服加
半錢得快下利後糜粥自養

太陽病醫發汗遂發熱惡寒因復下之心下痞表裏俱
虛陰陽氣並竭無陽則陰獨復加燒針因脅煩面色青
黃膚暗者難治今色微黃手足溫者易愈

心下痞按之濡其脉關上浮者大黃黃連瀉心湯主之

大黃二兩 黃連一兩

校正傷寒論

卷之四

右二味以麻沸湯二升漬之。須臾絞去滓分溫再服。
臣億等看詳太黃黃連瀉心湯諸本皆二味。又後附子瀉心湯用大黃黃連黃芩附子恐是前方中亦有黃芩後但加附子也。故後云附子瀉心湯本云加附子也。

心下痞而復惡寒汗出者。附子瀉心湯主之。

大黃

二兩

黃連

一兩

黃芩

一兩

附子

炮去皮破別煮取汁

右四味切三味以麻沸湯二升漬之。須臾絞去滓內附子汁分溫再服。

木以下之。故心下痞與瀉心湯痞不祥。其人渴而口燥煩小便不利者。五苓散主之一方云忍之一日乃愈。傷寒汗出解之後。胃中不和。心下痞鞕。乾噫食臭。脅下

日乃愈者吾不知何謂是

豈仲景叔和之語哉成本亦載之然則

自宋板校正以前有之也因知通編之爲章不止叔和後人之所載亦多矣說本云以下四十五字不可謬也成本無

有水氣腹中雷鳴下利者。生薑瀉心湯主之。

生薑

四兩切

甘草

三兩炙

人參

三兩

乾薑

一兩

黃芩

三兩

半夏

半升洗

黃連

一兩

大棗

十二枚擘

右八味以水一斗煮取六升去滓再煎取三升溫服。

一升日三服。附子瀉心湯。本云加附子半夏瀉心湯。

甘草瀉心湯同體別名耳。生薑瀉心湯。本云理中人參黃芩湯去桂枝加黃連并瀉肝法。

傷寒中風。醫反下之。其人下利日數十行。穀不化。腹中雷鳴。心下痞鞕而溹。乾嘔心煩不得安。醫見心下痞謂病不盡。復下之。其痞益甚。此非結熱。但以胃中虛。客氣上逆。故使鞕也。甘草瀉心湯主之。

甘草四兩 黃芩三兩 乾薑三兩 半夏半升洗

大棗十二枚擘 黃連一兩

右六味以水一斗煮取六升去滓再煎取三升溫服
一升日三服臣億等謹按上生薑湯法本云理因發陰而生是半夏生薑甘草瀉心中無者脫落之也又按千金并外臺秘要治傷寒醫食此方皆有入參知脱落無疑

傷寒服湯藥下利不止心下痞鞕服瀉心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之復不止者當利其小便赤石脂禹餘糧湯

赤石脂一斤碎 太一禹餘糧一斤碎

右二味以水六升煮取二升去滓分溫三服

傷寒吐下後發汗虛煩脈甚微八九日心下痞鞕脅下痛氣上衝咽喉眩冒經脈動惕者久而成痿

傷寒發汗若吐若下解後心下痞鞕噫氣不除者旋復

代赭湯主之

旋復花三兩 人參二兩 生薑五兩

代赭一兩

甘草三兩

半夏半升洗

大棗十二枚擘

右七味以水一斗煮取六升去滓再煎取三升溫服

一升日三服

下後不可更行桂枝湯若汗出而喘無大熱者可與麻

黃杏子甘草石膏湯

太陽病。外證未除而數下之。遂慘熱而利。利下不止。心下痞鞕。表裏不鮮者。桂枝人參湯主之。

桂枝

別切四兩

甘草

炙四兩

白朮

三兩

人參

三兩

乾薑

三兩

右五味以水九升先煮四味取五升。肉桂更煮取三升。去滓溫服一升。日再夜一服。

傷寒大下後復發汗。心下痞惡寒者。表未解也。不可攻痞。當先解表。表解乃可攻痞。解表宜桂枝湯。攻痞宜大黃黃連湯。

傷寒發熱。汗出不解。心中痞鞕。嘔吐而下利者。大柴胡湯主之。

病如桂枝證。頭不痛。項不強。寸脈微浮。胷中痞鞕。氣上衝喉咽。不得息者。此爲胷有寒也。當吐之。宜瓜蒂散。

瓜蒂

一分熬黃

亦小豆

一分

右二味各別擣篩爲散。已合治之。取一錢七。以香豉一合。用熟湯七合。煮作稀糜。去滓。取汁和散。溫頓服之。不吐者。少少加。得快吐乃止。諸吐血虛家。不可與。

瓜蒂散

立夏炒至燃盡

病脅下素有病。連在臍傍。痛引少腹入陰筋者。此名藏絰死。

傷寒若吐。若下後七八日不解。熱結在裏。表裏俱熱。時惡風。大渴。舌上乾燥而煩。欲飲水數升者。白虎加人

本此方以下後人之所加不足取也當削

林正陽寒論

卷之四

參湯主之

知母六兩 石膏碎一斤 甘草二兩 人參二兩

粳米六合

右五味以水一斗。煮米熟，湯成去滓，溫服一升。日三服。此方立夏後立秋前乃可服。立秋後不可服。正月二月三月尚凜冷亦不可與服之。與之則嘔利而腹痛。諸血虛家亦不可與。得之則腹痛利者但可溫之。當愈。

傷寒無大熱。口燥渴心煩背微惡寒者。白虎加人參湯主之。

飲水無表證者。白虎加人參湯主之。
太陽少陽併病。心下鞶頸項強而眩者。當刺大椎肺俞肝俞。慎勿下之。

太陽與少陽合病。自下利者。與黃芩湯。若嘔者。黃芩加半夏生薑湯主之。

黃芩湯

黃芩三兩 芍藥二兩 甘草二兩 大棗十二枚擘

右四味以水一斗煮取三升去滓。溫服一升。日再夜一服。

黃芩加半夏生薑湯

黃芩三兩 芍藥二兩 甘草二兩 大棗十二枚擘

卷之四

桂枝湯

半夏洗半升

生薑一兩半切

右六味以水一斗煮取三升去滓溫服一升日再夜

一服

傷寒脅中有熱。胃中有邪氣。腹中痛。欲嘔吐者。黃連湯主之。

黃連三兩

甘草三兩炙

乾薑三兩

桂枝三兩去皮

人參二兩

半夏洗半升

大棗十二枚擘

右七味以水一斗煮取六升去滓溫服盡三夜二

疑非仲景方

五字成本無當削本

非仲景方

傷寒八九日。風濕相搏。身體疼痛。不能自轉側。不嘔不渴。脈浮虛而濇者。桂枝附子湯主之。若其人大便鞶。一

一云臍下心
下鞭七字成

木無

桂枝附子湯

桂枝四兩去皮

附子三枚炮去皮破

生薑三兩切

大棗十二枚擘

甘草二兩炙

右五味以水六升煮取二升去滓分溫三服

去桂加白朮湯

附子三枚炮去皮破

白朮四兩

生薑三兩切

甘草二兩炙

大棗十二枚擘

右五味以水六升煮取二升去滓分溫三服。初一服其人身如痺。半日許復服之。三服都盡其人如冒状勿怪。此以附子术併走皮內逐水氣未得除故使之

初一服以下
成本無後人
之所加也當
刪本

耳法當加桂四兩此本一方二法以大便鞭小便自利去桂也以大便不利小便不利當加桂附子三枚恐多也虛弱家及產婦宜減服之。

風濕相搏骨節疼煩掣痛不得屈伸近之則痛劇汗出短氣小便不利惡風不欲去衣或身微腫者甘草附子湯主之。

甘草二兩炙 附子一枚炮去皮破 白术二兩

桂枝四兩去皮

右四味以水六升煮取三升去滓溫服一升日三服初服得微汗則解能食汗止後煩者將服五合恐一升多者宜服六七合爲妙。

成本以字無

傷寒脉浮滑此以表有熱裏有寒白虎湯主之

知母六兩

石膏一斤碎

甘草二兩炙

粳米六合

右四味以水一斗煮米熟湯成去滓溫服一升日三服

臣億等謹按前篇云熱結在裏表裏俱熱者白虎湯主之又云其表不解不可與白虎湯此云脉浮滑表有熱裏有寒者必表裏字差矣又陽明證云脉浮遲表熱裏寒四逆湯主之又少陰一證云裏寒外熱通脈四逆湯主之以此表裏自差明矣千金翼云白通湯非也

傷寒脉結代心動悸炙甘草湯主之

甘草四兩炙

生薑三兩切

人參二兩

生地黃一斤

桂枝三兩去皮

阿膠二兩

麥門冬半升去心

麻仁半升

大棗三十枚擘

右九味以清酒七升水八升先煮八味取三升去滓

內膠烊消盡溫服一升日三服一名復脉湯

脈按之來緩時一止復來者名曰結又脈來動而中止更來小數中有還者反動名曰結陰也脈來動而中止不能自還因而復動者名曰代陰也得此脉者必難治

大日本

尾張

淺野徽元甫校

校正傷寒論卷之四

原方二十首

今除重複得八首

煩字可疑然
成本亦有

合四十法方二十一方
附并見陽明少陽合病法

辨陽明病脉證并治第八

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。正陽陽明者。胃家實是也。

少陽陽明者。發汗利小便已。胃中燥煩實。大便難是也。陽明之爲病。胃家實是也。

問曰。何緣得陽明病。答曰。太陽病。若發汗。若下。若利小便。此。津液。胃中乾燥。因轉屬陽明。不更衣。內實。大便難者。此。名。陽明也。

問曰。陽明病。外證云何。答曰。身熱。汗自出。不惡寒。反惡熱也。

問曰。病有得之一日。不發熱而惡寒者。何也。答曰。雖得之。一日。惡寒將自罷。卽自汗出。而惡熱也。

問曰。惡寒何故。自罷卽自汗出。而惡熱也。無所復傳。始雖惡寒二日。自止。此爲陽明病也。本太陽初得病時。發其汗。汗先出不徹。因轉屬陽明也。傷寒發熱無汗。嘔不能食。而反汗出濶濶然者。是轉屬陽明也。

傷寒三日。陽明脉大。

傷寒脉浮而緩。手足自溫者。是爲繫在太陰。太陰者。身當發黃。若小便自利者。不能發黃。至七八日。大便鞕者。

爲陽明病也。

傷寒轉繫陽明者。其人濶然微汗出也。陽明中風。口苦咽乾。腹滿微喘。發熱惡寒。脉浮而緊。若下之。則腹滿小便難也。

陽明病。若能食。名中風。不能食。名中寒。

陽明病。若中寒者。不能食。小便不利。手足濶然汗出。此欲作固瘕。必大便初硬後溏。所以然者。以胃中冷水穀不別故也。氣與汗共并。脉緊則愈。

陽明病。欲解時。從申至戌。上。

陽明病不能食。攻其熱必嘔。所以然者。胃中虛冷故也。以其人本虛。攻其熱必嘔。

陽明病脈遲。食難用飽。飽則微煩。頭眩必小便難。此欲作穀癰。雖下之。腹滿如故。所以然者。脈遲故也。

陽明病法多汗。反無汗。其身如蟲行皮中。狀者。此以久虛故也。

陽明病。反無汗。而小便利。二三日。嘔而歟。手足厥者。必苦頭痛。若不歟。不嘔。手足不厥者。頭不痛。

陽明病。但頭眩。不惡寒。故能食。而歟。其人咽必痛。若不歟。者。咽不痛。

陽明病。無汗。小便不利。心中懊惱者。身必發黃。

陽明病。被火。額上微汗出。而小便不利者。必發黃。
陽明病。脉浮而緊者。必潮熱。發作有時。但浮者。必盜汗出。

陽明病。口燥。但欲漱水。不欲嚥者。此必衄。

陽明病。本自汗出。醫更重。發汗。病已差。尚微煩。不了了者。此必大便鞭。故也。以。津液。胃中乾燥。故令大便鞭。當問其小便日幾行。若本小便日三四行。今日再行。故知大便不久出。今為小便數少。以津液當還入胃中。故知不久必大便也。

傷寒嘔多。雖有陽明證。不可攻之。

陽明病。心下鞶滿者。不可攻之。攻之利遂不止者。死。利

止者愈

陽明病面赤色不可攻之必發熱色黃者小便不利

也

陽明病不吐不下心煩者可與調胃承氣湯

陽明病脈遲雖汗出不惡寒者其身必重短氣腹滿而喘有潮熱者此外欲解可攻裏也手足濶然汗出者此大便已鞢也大承氣湯主之若汗多微發熱惡寒者外未解也其熱不潮未可與承氣湯若腹大滿不通者可與小承氣湯微和胃氣勿令至大泄下大承氣湯

大黃

四兩酒洗

厚朴

半斤炙去皮

枳實

五枚炙

芍藥

三合

右四味以水一斗先煮二物取五升去滓內大黃更

煮取二升去滓內芍藥消更上微火一兩沸分溫再服得下餘勿服

小承氣湯

大黃

四兩

厚朴

二兩炙去皮

枳實

三枚大者炙

右三味以水四升煮取一升二合去滓分溫二服初

服湯當更衣不爾者盡飲之若更衣者勿服之

陽明病潮熱大便微鞢者可與大承氣湯不鞢者不可與之若不大便六七日恐有燥屎欲知之法少與小承氣湯湯入腹中轉失氣者此有燥屎也乃可攻之若不轉失氣者此但初頭鞢後必溏不可攻之攻之必脹滿不能食也欲飲水者與水則噫其後發熱者必大便復

輒而少也。以小承氣湯和之。不轉失氣者慎不可攻也。

夫實則譏語虛則鄭聲。鄭聲者重語也。

直視譏語喘滿者死。下利者亦死。

發汗多若重發汗者亡其陽。譏語脉短者死。脉自和者不死。

傷寒若吐若下後不解不大便五六日上至十餘日。日晡所發潮熱不惡寒獨語如見鬼狀若劇者發則不識入循衣摸牀惕而不安。一云循衣妄微喘直視脉弦者生濇者死微者但發熱譏語者大承氣湯主之。若一服利則止後服。

陽明病其人多汗以津液外出胃中燥大便必鞶鞶則

譏語小承氣湯主之若一眼譏語止者更莫復服。陽明病譏語發潮熱脈滑而疾者小承氣湯主之因與承氣湯一升腹中轉氣者更服一升若不轉氣者勿更與之明日又不大便脉反微濇者裏虛也爲難治不可更與承氣湯也。

陽明病譏語有潮熱反不能食者胃中必有燥屎五六枚也若能食者但鞶耳宜大承氣湯下之。

陽明病下血譏語者此爲熱入血室但頭汗出者刺期門隨其實而寫之濇然汗出則愈。

汗出譏語者以有燥屎在胃中此爲風也須下者過經乃可下之下之若早語言必亂以表虛裏實故也下之

愈宜大承氣湯

一云大柴胡湯

傷寒四五日。脉沈而喘滿。沈爲在裏而反發其汗。津液越出。大便爲難。表虛裏實。久則譏語。遺尿。發汗則譏語。下之則額上生汗。手足逆冷。若自汗出者。白虎湯主之。

二陽併病。太陽證罷。但發潮熱。手足叢叢。汗出。大便難而譏語者。下之則愈。宜大承氣湯。

陽明病。脉浮而緊。咽燥口苦。腹滿而喘。發熱汗出。不惡寒。反惡熱。身重。若發汗則躁。心憒憒。公對反切譏語。若加溫針。必怵惕煩躁。不得眠。若下之。則胃中空虛。客氣動

此章原本分爲三章非

膈心中懊惱。舌上胎者。梔子豉湯主之。若渴欲飲水。口乾舌燥者。白虎加人參湯主之。若脉浮發熱。渴欲飲水。小便不利者。猪苓湯主之。

陽明病。汗出多而渴者。不可與猪苓湯。以汗多。胃中燥。猪苓湯復利其小便。故也。

脈浮而遲。表熱裏寒。下利清穀者。四逆湯主之。

若胃中虛冷。不能食者。飲水則噦。

脈浮發熱。口乾鼻燥。能食者。則衄。

陽明病。下之。其外有熱。手足溫。不結脅。心中懊惱。飢不能食。但頭汗出者。梔子豉湯主之。

陽明病。發潮熱。大便溏。小便自可。可曾脅滿不去者。小柴

原本目上無
面字

陽明病。脅下鞕滿。不大便。而嘔舌上白胎者。可與小柴胡湯。上焦得通津液。得下胃氣。因和身濺然。汗出。而解陽明中風。脈弦浮大。而短氣。腹都滿。脅下及心痛。久按之氣不通。鼻乾。不得汗。嗜臥。一身及面目悉黃。小便難。有潮熱。時時嘔耳。前後腫刺之。小差。外不解。病過十日。脉續浮者。與小柴胡湯。脉但浮。無餘證者。與麻黃湯。若不尿。腹滿加曬者。不治。

陽明病。自汗出。若發汗。小便自利者。此爲津液內竭。雖鞕不可攻之。當須自欲大便。宜蜜煎導而通之。若土瓜根。及大猪膽汁。皆可爲導。

蜜煎方

食蜜七合

右一味。於銅器內微火煎。當須凝如飴狀。攬之勿令焦著。候可。丸併手捻作挺。令頭銳大。如指長二寸許。當熱時。急作冷。則鞕。以內穀道中。以手急抱。欲大便時。乃去之。疑非仲景意。已試甚良。○又大猪膽一枚。渴。汁和少許。法酢以灌。穀道內。如一食頃。當大便。出宿食惡物。甚效。

陽明病。脈遲。汗出多。微惡寒者。表未解也。可發汗。宜桂枝湯。

陽明病。脈浮。無汗而喘者。發汗則愈。宜麻黃湯。

疑非以下成
本無當刪本

陽明病。發熱汗出者。此爲熱越。不能發黃也。但頭汗出。身無汗。剝頸而還。小便不利。渴引水漿者。此爲瘀熱在裏。身必發黃。茵陳蒿湯主之。

茵陳蒿六兩 桔子十四枚擘 大黃二兩去皮
右三味。以水一斗二升。先煮茵陳減六升。內一味煮。取三升。去滓。分三服。小便當利。尿如皂莢汁狀。色正赤。一宿腹減。黃從小便去也。

陽明證。其人喜忘者。必有畜血。所以然者。木有久瘀血。故令喜忘。尿雖鞭大便反易。其色必黑者。宜抵當湯下之。

陽明病。下之心。中懊惱而煩。胃中有燥屎者可攻。腹微

滿。初頭鞭後。必溏。不可攻之。若有燥屎者。宜大承氣湯。病人不大便五六日。繞脅痛。煩躁。發作有時者。此有燥屎。故使不大便也。

病人煩熱汗出。則解。又如瀉狀。日晡所發熱者。屬陽明也。脉實者。宜下之。脉浮虛者。宜發汗。下之與大承氣湯。發汗宜桂枝湯。

大下後。六七日不大便。煩不解。腹滿痛者。此有燥屎也。所以然者。本有宿食故也。宜大承氣湯。病人小便不利。大便乍難。乍易。時有微熱。喘冒。不能臥者。有燥屎也。宜大承氣湯。

食穀欲嘔者。屬陽明也。吳茱萸湯主之。得湯反劇者。屬

上焦也

太陽病。寸緩。關浮。尺弱。其人發熱汗出。復惡寒。不嘔。但心下痞者。此以醫下之也。如其不下者。病人不惡寒而渴者。此轉屬陽明也。小便數者。大便必鞶。不更衣十日無所苦也。渴欲飲水。少少與之。但以法救之。渴者宜五苓散。

脉陽微。而汗出少者。爲自和也。汗出多者。爲太過。陽脉實。因發其汗。出多者。亦爲太過。太過者。爲陽絕。於裏。口津液大。便因鞶也。

脉浮。而芤。浮爲陽芤。爲陰。浮芤相搏。胃氣生熱。其陽則絕。

成本
輕作難

趺陽脉浮。而濇。浮則胃氣強。濇則小便數。浮濇相搏。大便則鞶。其脾爲約。麻子仁丸主之。

麻子仁 二升

芍藥 半升

枳實 半斤

大黃 一斤

厚朴 一尺炙

杏仁 一升去皮尖

右六味蜜和丸。如梧桐子大。飲服十九丸。日三服。漸加

以知爲度。

太陽病三日。發汗不解。蒸蒸發熱者。屬胃也。調胃承氣湯主之。

傷寒吐後。腹脹滿者。與調胃承氣湯。

太陽病。若吐。若下。若發汗後。微煩。小便數。大便因鞶者。與小承氣湯。和之。愈。

成本不受食
作不能食

得病二三日。脉弱無太陽柴胡證。煩躁心下鞕至四五日。雖能食以小承氣湯少少與之微和之令小安至六日與承氣湯一升。若不大便六七日。小便少者雖不受食。但初頭鞕後必溏。未定成鞕攻之必溏。須小便利。屎定鞕乃可攻之。宜大承氣湯。

傷寒六七日。目中不了了。睛不和。無表裏證。大便難。身微熱者。此爲實也。急下之。宜大承氣湯。

陽明病。發熱汗多者。急下之。宜大承氣湯。

發汗不解。腹滿痛者。急下之。宜大承氣湯。

腹滿不減。減不足言。當下之。宜大承氣湯。

陽明少陽合病。必下利。其脉不負者爲順也。負者失也。

互相剗賊。名爲負也。脉滑而數者。有宿食也。當下之。宜大承氣湯。

病人無表裏證。發熱七八日。雖脈浮數者。可下之。假令已下。脉數不解。合熱則消。穀喜飢。至六七日。不大便者。有瘀血。宜抵當湯。若脉數不解而下不止。必協熱便膿血也。

傷寒發汗已。身目爲黃。所以然者。以寒濕在裏不解故也。以爲不可下也。於寒濕中求之。

傷寒七八日。身黃如橘子色。小便不利。腹微滿者。茵陳蒿湯主之。

傷寒身黃發熱者。梔子蘖皮湯主之。

於寒濕中水
之者決非仲
景氏之語其
說在特解

原本分若脉
不解以下爲
二章非

肥梔子

十五箇擘

甘草

一兩炙

黃蘂

二兩

右三味以水四升煮取一升半去滓分溫再服。

傷寒瘀熱在裏身必發黃硫黃連軺赤小豆湯主之

麻黃

二兩去節

連軺

二兩連翹根是

杏仁

四十箇去皮尖

赤小豆

一升

大棗

十二枚擘

生梓白皮

切一升

生薑

二兩切

甘草

二兩炙

右八味以潦水一斗先煮麻黃再沸去上沫內諸藥煮取三升去滓分溫三服半日服盡

辨少陽病脈證并治第九

方一首並見三陽合病法

少陽之爲病口苦咽乾目眩也

少陽中風兩耳無所聞目赤胷中滿而煩者不可吐下

吐下則悸而驚

傷寒脉弦細頭痛發熱者屬少陽少陽不可發汗發汗則讞語此屬胃胃和則愈胃不和煩而悸躁一云

本太陽病不解轉入少陽者脅下鞭滿乾嘔不能食往來寒熱尚未吐下脉沈緊者與小柴胡湯若已吐下發汗溫鍼讞語柴胡證罷此爲壞病知犯何逆以法治之三陽合病脉浮大上關上但欲眠睡目合則汙傷寒六七日無大熱其人躁煩者此爲陽去入陰故也傷寒三日三陽爲盡三陰當受邪其人反能食而不嘔此爲三陰不受邪也

傷寒三日少陽脉小者欲已也

少陽病欲解時從寅至辰上

大日本 大尾張

淺野徽元甫校

校正傷寒論卷之五

原方三首今
除重復得二
首

辨太陰病脉證并治第十一

合三法
方三首

太陰之爲病。腹滿而吐。食不下。自利甚。時腹自痛。若下之。必脅下結鞕。

太陰中風。四肢煩疼。陽微陰濇。而長者。爲欲愈。
太陰病。欲解時。從亥至丑上。

太陰病。脉浮者可發汗。宜桂枝湯。
逆輩。

傷寒。脉浮而緩。手足自溫者。繫在太陰。太陰當發身黃。
若小便自利者。不能發黃。至七八日。雖暴煩。下利日十

或本爾作而

餘行必自止。以脾家實。腐穢當去故也。
本太陽病。醫反下之。因爾腹滿時痛者。屬太陰也。桂枝
加芍藥湯主之。大實痛者。桂枝加大黃湯主之。

桂枝加芍藥湯方

桂枝三兩去皮 芍藥六兩 甘草二兩炙 大棗十二枚擘

生薑三兩切

右五味以水七升煮取三升去滓温分三服。本云桂
枝湯今加芍藥。

桂枝加大黃湯方

桂枝三兩去皮 大黃二兩 芍藥六兩 生薑三兩切

甘草二兩炙 大棗十二枚擘

右六味以水七升煮取三升去滓温服一升。日三服。
太陰爲病。脉弱。其人續自便利。設當行大黃芍藥者。宜
減之。以其人胃氣弱易動故也。

辨少陰病脉證并治第十一

合二十三法
方一十九首

少陰之爲病。脉微細。但欲寐也。
少陰病。欲吐不吐。心煩。但欲寐。五六日自利而渴者。属
少陰也。虛故引水自救。若小便色白者。少陰病形悉具。
小便白者。以下焦虛有寒。不能制水。故令色白也。
病人脉陰陽但緊。反汗出者。亡陽也。此屬少陰。法當咽
痛而復吐利。

少陰病。欬而下利譏語者。被火氣劫故也。小便必難。以

原方一十九首
今除重複
得一十八首

補遺解說 卷之六

附方

強責少陰汗也

少陰病。脈細沈數。病爲在裏。不可發汗。
少陰病脈微。不可發汗。亡陽故也。陽已虛。尺脉弱濇者。
復不可下之。

少陰病脈緊。至七八日。自下利。脈暴微。手足反溫。脉緊
反去者。爲欲解也。雖煩。下利必自愈。

少陰病。下利。若利自止。惡寒而踴臥。手足溫者。可治。
少陰病。惡寒而踴時。自煩。欲去衣被者。可治。
少陰中風。脈陽微陰浮者。爲欲愈。

少陰病。欲解時。從子至寅上。

少陰病。吐利。手足不逆冷。反發熱者。不死。脉不至者。死。

少陰七壯

少陰病。八九日。一身手足盡熱者。以熱在膀胱。必便血。
也。

少陰病。但厥無汗。而強發之。必動其血。未知從何道出。
或從口鼻。或從目出者。是名下厥上竭。爲難治。

少陰病。惡寒。身踴。而利。手足逆冷者。不治。

少陰病。吐利。躁煩四逆者。死。

少陰病。下利止。而頭眩。時時自冒者。死。

少陰病。四逆。惡寒。而身踴。脉不至。不煩而躁者。死。
而躁逆者死。

少陰病。六七日。息高者。死。

少陰病。脉微細沈。但欲臥汗出不煩。自欲吐至五六日。自利復煩躁。不得臥寐者死。

少陰病。始得之。反發熱脉沈者。麻黃細辛附子湯主之。
麻黃二兩去節 細辛二兩 附子一枚炮去皮破八片
右三味。以水一斗先煮麻黃減二升去上沫。內諸藥
煮取三升去滓溫服一升。日三服。

少陰病。得之二三日。麻黃附子甘草湯微發汗。以一二
日無裏證。故微發汗也。

麻黃二兩去節 甘草炙二兩 附子一枚炮去皮破八片
右三味。以水七升先煮麻黃一兩沸去上沫。內諸藥
煮取三升去滓溫服一升。日三服。

少陰病。得之二三日以上。心中煩不得臥。黃連阿膠湯
主之。

黃連四兩 黃芩二兩 芍藥二兩

雞子黃二枚 阿膠三兩云三挺

右五味。以水六升先煮三物取二升去滓內膠烊盡。

小冷內雞子黃攪令相得。溫服七合。日三服。

少陰病。得之一二日。口中和其背惡寒者當灸之。附子
湯主之。

附子二枚炮去皮破八片 茯苓三兩 人參二兩

白朮四兩 芍藥三兩

右五味。以水八升煮取三升去滓溫服一升。日三服。

少陰病。身體痛。手足寒。骨節痛。脉沈者。附子湯主之。
少陰病。下利。便膿血者。桃花湯主之。

赤石脂

一斤一半全
用一半篩末

乾薑

一兩

粳米

一升

右三味。以水七升。煮米。令熟去滓。溫服七合。內赤石脂末方寸匕。日三服。若一服愈。餘勿服。

少陰病。二三日。至四五日。腹痛。小便不利。下利不止。便

膿血者。桃花湯主之。

少陰病。下利。便膿血者。可刺。

少陰病。吐利。手足逆冷。煩躁欲死者。吳茱萸湯主之。

吳茱萸

一升

人參

二兩

生薑

六兩

大棗

十二枚擘

右四味。以水七升。煮取二升。去滓。溫服七合。日三服。
少陰病。下利。咽痛。胷滿心煩者。猪膚湯主之。

猪膚

一斤

右一味。以水一斗。煮取五升。去滓。加白蜜一升。白粉五合。熬香。和令相得。溫分六服。

少陰病。二三日。咽痛者。可與甘草湯。不差與桔梗湯。

甘草湯方

甘草

二兩

右一味。以水三升。煮取一升半。去滓。溫服七合。日二服。

桔梗湯方

桔梗

一兩

甘草

二兩

右二味以水三升煮取一升去滓溫分再服。

少陰病咽中傷生瘡不能語言聲不出者苦酒湯主之

半夏

洗破如棗
挾十四枚

雞子

一枚去黃內上苦酒着雞子殼中

右二味內半夏著苦酒中以雞子殼置刀環中安火上令三沸去滓少少含嚥之不差更作三劑

少陰病咽中痛半夏散及湯主之

半夏

洗

桂枝

去皮

甘草炙

半夏有毒以
下成木無當

右三味等分各別擣篩已合治之白飲和服方寸七日三服若不能散服者以水一升煎七沸內散兩方寸七更煮三沸下火令小冷少少嚥之半夏有毒不

當散服

少陰病下利白通湯主之

葱白

四莖

乾薑

一兩

附子

一枚生去皮破八片

右三味以水三升煮取一升去滓分溫再服

少陰病下利脈微者與白通湯利不止厥逆無脈乾嘔煩者自通加猪膽汁湯主之服湯脈暴出者死微續者生白通加猪膽湯

葱白

四莖

乾薑

一兩

附子

一枚生去皮破八片

人尿

五合

猪膽汁

一合

右五味以水三升煮取一升去滓內膽汁人尿和令相得分溫再服若無膽亦可用

少陰病。二三日不已。至四五日。腹痛。小便不利。四肢沈重疼痛。自下利者。此爲有水氣。其人或歟。或小便利。或下利。或嘔者。真武湯主之。

茯苓

三兩

芍藥

三兩

白朮

二兩

生薑

二兩
切

附子

一枚炮去皮破八片

右五味以水八升煮取三升去滓溫服七合日三服。若歎者加五味子半升細辛一兩乾薑一兩。若小便利者去茯苓。若下利者去芍藥加乾薑二兩。若嘔者去附子加生薑足前爲半斤。

少陰病。下利清穀。裏寒外熱。手足厥逆。脈微欲絕。身反不惡寒。其人面赤色。或腹痛。或乾嘔。或咽痛。或利止。脉不出者。通脈四逆湯主之。

甘草

二兩

附子

大者一枚生用去皮破八片

乾薑

三兩
人可四

右三味以水三升煮取一升二合去滓分溫再服。其脉卽出者愈。面色赤者加葱九莖。腹中痛者去葱。加芍藥二兩。嘔者加生薑二兩。咽痛者去芍藥加桔梗一兩。利止脉不出者去桔梗加人參二兩。脉病皆與方相應者乃服之。

少陰病。四逆。其人或歎。或悸。或小便不利。或腹中痛。或泄利。下重者。四逆散主之。

甘草

炙二兩

枳實

破水漬乾

柴胡

芍藥

右四味各十分擣篩白飲和服方寸七日三服。歎者加五味子乾薑各五分并主下利悸者加桂枝五分小便不利者加茯苓五分腹中痛者加附子一枚炮令析泄利下重者先以水五升煮薤白三升煮取三升去滓以散三方寸七內湯中煮取一升半分溫再服。

少陰病下利六七日歎而嘔渴心煩不得眠者猪苓湯主之。

猪苓

去皮

茯苓

阿膠

澤瀉

滑石

各一兩

右五味以水四升先煮四物取二升去滓內阿膠烊盡溫服七合日三服。

少陰病

得之二三日口燥咽乾者急下之

宜大承氣湯

大柴胡一法用

少陰病自利清水色純青心下必痛口乾燥者可下之。宜大承氣湯。少陰病六七日腹脹不大便者急下之宜大承氣湯。少陰病脈沈者急溫之宜四逆湯。

甘草

二兩炙

乾薑

一兩半

附子

一枚生用去皮破八片

右四味以水三升煮取一升二合去滓分溫再服強人可大附子一枚乾薑三兩少陰病飲食入則吐心中溫溫欲吐復不能吐始得之手足寒脉弦遲者此腎中實不可下也當吐之若膈上有寒飲乾嘔者不可吐也當溫之宜四逆湯。

原方一十九首
今除重複得六首

金匱無此字

少陰病。下利。脉微濇。嘔而汗出。必數更衣。反少者。當溫其上灸之。脉經云灸厥陰可五十壯

辨厥陰脉證并治第十二

厥利嘔逆附合一十九法方一十六首

厥陰之爲病。消渴。氣上撞心。心中疼熱。飢而不欲食。食則吐。或下之利不止。

厥陰中風。脉微浮。爲欲愈不浮爲未愈。

厥陰病。渴欲飲水者。稍稍與之愈。

諸四逆厥者。不可下之。虛家亦然。

傷寒先厥。後發熱。而利者。必自止。見厥復利。

傷寒始發熱六日。厥反九日。而利。凡厥利者。當不能食。

成木後日作
後三日

今反能食者。恐爲除中。云消中。食以索餅。不發熱者。知胃氣尚在。必愈。恐暴熱來出。而復去也。後日脉之。其熱續在者。期之。旦日夜半愈。所以然者。本發熱六日。厥反九日。復發熱三日。並前六日。亦爲九日。與厥相應。故期之。且日夜半愈。後三日脉之。而脉數。其熱不罷者。此爲熱氣有餘。必發癰膿也。

傷寒脈遲六七日。而反與黃芩湯。徹其熱。脉遲爲寒。今與黃芩湯。復除其熱。腹中應冷。當不能食。今反能食。此名除中。必死。

傷寒先厥。後發熱。下利必自止。而反汗出。咽中痛者。其喉爲痺。發熱無汗。而利必自止。若不止。必便膿血。便膿

血者。其喉不痺。

傷寒一二日。至四五日。厥者必發熱。前熱者後必厥。厥深者。熱亦深。厥微者。熱亦微。厥應下之。而反發汗者。必口傷爛赤。

傷寒病。厥五日。熱亦五日。設六日。當復厥。不厥者。自愈。厥終不過五日。以熱五日。故知自愈。

凡厥者。陰陽氣不相順接。便爲厥。厥者。手足厥冷者是也。

傷寒。脉微。而厥至七八日。膚冷。其人躁。無暫安時者。此爲藏厥。非蛇厥也。蛇厥者。其人當吐。蛇令病者靜。而復時煩。此爲藏寒。蛇上入其膈。故煩。須臾復止。得食而嘔。

又煩者。蛇聞食臭。出其人當自吐。蛇厥者。烏梅丸主之。又主久利。

烏梅三百枚。細辛六兩。乾薑十兩。黃連十六兩。

當歸四兩。附子六兩炮。蜀椒四兩。出汗。

桂枝去皮六兩。

人參六兩。

黃藥六兩。

右十味。異擣篩合治之。以苦酒漬烏梅一宿。去核蒸之。五斗米下飯熟。擣成泥。和藥令相得。內臼中。與蜜杵二千下。丸如梧桐子大。先食飲服十九日三服。稍加至二十九禁。生冷滑物。臭食等。

傷寒。熱少。厥微。指頭寒。嘿嘿。不欲食。煩躁數日。小便利。色白者。此熱除也。欲得食。其病爲愈。若厥而嘔。脅脅煩。

武本非蛇厥
作非屬蛇厥

滿者其後必便血。

病者手足厥冷。言我不結膿。小腹滿。按之痛者。此冷結在膀胱關元也。

傷寒發熱四日。厥反三日。復熱四日。厥少熱多者。其病當愈。四日至七日。熱不除者。必便膿血。

傷寒厥四日。熱反三日。復厥五日。其病爲進寒。多熱少陽氣退。故爲進也。

傷寒六七日。脉微。手足厥冷煩躁。灸厥陰。厥不還者死。傷寒發熱下利厥逆。躁不得臥者死。

傷寒發熱下利至甚。厥不止者死。

傷寒六七日不利。便發熱而利。其人汗出不止者死。有

陰無陽故也。

傷寒五六日。不結膿。腹濁。脈虛。復厥者。不可下。此亡血。

下之死。

發熱而厥七日。下利者爲難治。

傷寒脉促。手足厥逆。可灸之。促一作縱

傷寒脉滑。而厥者。裏有熱也。白虎湯主之。

手足厥寒。脈細欲絕者。當歸四逆湯主之。若其人內有久寒者。宜當歸四逆加吳茱萸生薑湯。

當歸三兩

桂枝三兩

芍藥三兩

細辛三兩

甘草二兩

通草二兩

大棗二十五枚擘

一法十二枚

右七味以水八升煮取三升去滓溫服一升日三服

按此方當四逆湯加當歸一味也。他方例皆然。但此方恐出干後人

成本亡血上
有爲字

當歸四逆加吳茱萸生薑湯

按此方亦當
四逆湯加當
吳茱萸生
姜二味也

當歸三兩 芍藥三兩 甘草二兩 通草二兩
桂枝三兩 細辛三兩 生薑半斤 茱萸二升
大棗二十五枚

右九味以水六升清酒六升和煮取五升去滓溫分
五服一方水酒各四升

大汗出熟不去內拘急四肢疼又下利厥逆而惡寒者
四逆湯主之

病人手足厥冷脉乍緊者邪結在胷中心下滿而煩飢
不能食者病在胷中當須吐之宜爪帶散

傷寒厥而心下悸宜先治水當服茯苓甘草湯却治其
厥不爾水漬入胃必作利也

傷寒六七日大下後寸脉沈而遲手足厥逆下部脉不
至咽喉不利唾膿血泄利不止者爲難治麻黃升麻湯
主之

麻黃二兩半 升麻一兩 當歸一兩 知母十八
銖 黃芩十八 茯苓十八銖 芍藥六銖
天門冬六銖 桂枝六銖 白朮六銖 乾薑六銖
炙 石膏六銖碎 織裹

右十四味以水一斗先煮麻黃一兩沸去上沫內諾
藥煮取三升去滓分溫三服相去如炊三斗米頃令

盡汗出愈

傷寒四五日。腹中痛。若轉氣下趣少腹者。此欲自利也。
傷寒本自寒下。醫復吐下之。寒格更逆。吐下。若食入口。

卽吐乾薑黃芩黃連人參湯主之。

乾薑 黃芩 黃連 人參 各三

右四味以水六升煮取二升去滓分溫再服

下利有微熱而渴。脉弱者。令自愈。

下利脈數。有微熱汗出。令自愈。設復緊。爲未解。

二云。設脉浮復緊

下利手足厥冷。無脉者。灸之不溫。若脉不還。反微喘者。死。少陰負趺陽者爲順也。

成本今作令

下利寸脉反浮數。尺中自濇者。必清膿血。

下利清穀不可攻表。汗出必脹滿。

下利脈沈弦者。下重也。脉大者。爲未止。脉微弱數者。爲欲自止。雖發熱不死。

下利脉沈而遲。其人面少赤。身有微熱。下利清穀者。必鬱冒。汗出而解。病人必微厥。所以然者。其面戴陽。下虛故也。

下利脉數而渴者。今自愈。設不差。必清膿血。以有熱故也。死者死。

下利後脉絕。手足厥冷。晬時脉還。手足溫者。生脉不還者。死者死。

傷寒下利日十餘行脉反實者死

下利清穀裏寒外熱汗出而厥者通脈四逆湯主之

熱利下重者白頭翁湯主之

白頭翁

二兩

黃蘞

三兩

黃連

三兩

秦皮

三兩

右四味以水七升煮取二升去滓溫服一升不愈更

服一升

下利腹脹滿身體疼痛者先溫其裏乃攻其表溫裏宜四逆湯攻表宜桂枝湯

下利欲飲水者以有熱故也白頭翁湯主之

下利譏語者有燥屎也宜小承氣湯

下利後更煩按之心下濡者爲虛煩也宜梔子豉湯
嘔家有癱脹者不可治嘔脹盡自愈
嘔而脈弱小便復利身有微熱見厥者難治四逆湯主之

乾嘔吐涎沫頭痛者吳茱萸湯主之

嘔而發熱者小柴胡湯主之

傷寒大吐大下之極虛復極汗出者以其人外氣怫鬱復與之水以發其汗因得嚦所以然者胃中寒冷故也傷寒嚦而腹滿視其前後知何部不利利之即愈

大日本

尾張

淺野徽元甫校

校正傷寒論卷之六

